



- POSLANICIMA/ZASTUPNICIMA SKUPŠTINE
ZENIČKO-DOBOJSKOG KANTONA
- VLADI ZENIČKO-DOBOJSKOG KANTONA
- UREDU PREMIJERA
- SREDSTVIMA JAVNOG INFORMISANJA/MEDIJIMA
- MINISTARSTVU UNUTRAŠNJIH POSLOVA
- BOSANSKOM NARODNOM POZORIŠTU ZENICA
- MINISTARSTVO ZDRAVSTVA
Krizni štab za praćenje novog corona virusa
n/r predsjednika Adnana Jupića

Broj: 01-01-13169-1/20
Zenica, 12.08.2020. godine

PROTOKOL
**ZA ODRŽAVANJE 25. (SVEČANE) SJEDNICE SKUPŠTINE ZENIČKO-DOBOJSKOG
KANTONA ZAKAZANE ZA DAN 31.08.2020. GODINE U 11:00 SATI
U VELIKOJ SALI BOSANSKOG NARODNOG POZORIŠTA ZENICA U ZENICI, TRG BOSNE
I HERCEGOVINE BROJ 3**

S obzirom na činjenicu da se i **25. (svečana)** sjednica Skupštine održava u vrijeme pandemije coronavirusa, te shodno Naredbi Kriznog štaba Federalnog ministarstva zdravstva br. 01-33-3997/20, od 13. jula 2020. godine koja je stupila na snagu 17. jula 2020. godine, a kojom je proglašena epidemije zarazne bolesti COVID-19 za ugoženo područje, teritoriju Federacije BiH, te shodno drugim važećim Naredbama i Preporukama Kriznog štaba Federalnog ministarstva zdravstva, **25. (svečana)** sjednica Skupštine Zeničko-dobojskog kantona, **zakazana za dan 31.08.2020. godine (ponedjeljak) u 11:00 sati, u Velikoj sali Bosanskog narodnog pozorišta Zenica u Zenici, će se održati uz obavezno poštivanje i striktno pridržavanje slijedećih pravila i epidemioloških odnosno preventivnih mjera:**

1. Na dan održavanja sjednice Skupštine (najmanje 2 sata prije početka sjednice) izvršiti obaveznu dezinfekciju Velike sale Bosanskog narodnog pozorišta Zenica, u kojoj će se održati sjednica Skupštine, (uključujući stolove, stolice, govornicu i druge površine), te provjetravanje navedene prostorije prije i tokom trajanja sjednice, otvaranjem vrata i prozora, **(bez uključivanja klima uređaja)**, kao i obezbjeđivanje dezinfekcionog sredstva na ulazu u salu, (što su dužni obezbijediti i vršiti nadležne osobe Bosanskog narodnog pozorišta Zenica), kako bi svi učesnici sjednice prilikom ulaska u salu izvršili dezinfekciju ruku.
2. Svi poslanici/zastupnici Skupštine Kantona i ostali učesnici sjednice, (članovi Vlade Kantona, dobitnici javnog priznanja Plaketa Kantona, osobe koje će izvesti prigodne muzičke numere, zaposlenici Stručne službe Skupštine i ostali gosti), prilikom ulaska u zgradu BNP-a radi dolaska na sjednicu Skupštine i tokom cijelog održavanja sjednice Skupštine, dužni su imati ličnu/osobnu zaštitnu opremu (zaštitnu masku za lice).
3. Oni poslanici/zastupnici Skupštine Kantona, kao i ostali učesnici i gosti sjednice, koji imaju bilo kakvu (i najmanju), sumnju u svoju eventualnu zaraženost corona virusom, (zbog postojanja određenih simptoma ili ranijih kontakata sa osobama koje dolaze iz zaraženih područja i osobama koje su sa njima bili u kontaktu), da ne dolaze na sjednicu Skupštine, a svoje odsustvo su dužni najaviti predsjedavajućem Skupštine.
4. Sjednici Skupštine, u sali BNP-a, moći će prisustvovati predstavnici sredstava informisanja/medija i to na način, da u isto vrijeme u Sali ne bude veći broj novinara, već da se smjenjuju, te da isti prilikom slikanja, snimanja i sl. poštuju socijalnu distancu odnosno razmak od minimalno 2 metra. Izjave za medije će se moći uzimati samo ispred sale BNP-a.

5. Svi poslanici/zastupnici i ostali učesnici na sjednici Skupštine Kantona će u sali BNP-, (u kojoj će se održati sjednica Skupštine,) sjediti na označenim mjestima, prema uputama nadležnih zaposlenika Stručne službe Skupštine, između kojih će biti razmak od minimalno 2 metra, što se mora poštovati tokom cijelog trajanja sjednice Skupštine.
6. Tokom cijelog održavanja sjednice Skupštine svi učesnici na sjednici, moraju poštovati mjeru socijalne distance odnosno obaveznog razmaka između osoba od minimalno 2 metra, (što znači da ne smiju prilaziti jedni drugima), te korištenje lične zaštitne opreme, (obavezno nošenje zaštitnih maski za lice), te se ne smiju rukovati.
7. Nakon održavanja svečane sjednice Skupštine, u holu zgrade BNP-a će **biti upriličen koktel za učesnike tokom kojeg će također biti potrebno pridržavati se svih higijensko-epidemioloških mjera** u cilju sprečavanja potencijalno mogućeg izvora zaraze i njenog potencijalno mogućeg prenošenja.
8. Nakon završetka sjednice, prilikom izlaska iz sale BNP-a, potrebno je držati navedenu fizičku distancu, s tim da prvi iz sale izlaze oni iz zadnjeg reda, pa prema naprijed.
9. Svi učesnici sjednice su lično/osobno odgovorni za pridržavanje mjera predviđenih ovim Protokolom, kao i za eventualne posljedice nepridržavanja istih.

PREDSJEDAVAJUĆI

Ćazim Huskić

DOSTAVLJENO:

1 x Naslovu

1 x U spis predmeta **25. (svečane) sjednice Skupštine/05-03**